

## **Inuussutissarsiornermi nappaataalersartut 1. januar 2005-mit nalunaarutigineqartut allattorsimaffiat pillugu nalunaarut**

Sulinermi ajoqusernerit kingunerisassaannut isumannaarinermik inatsimmi § 7, imm. 1, nr. 1, tak. inatsimmik nalunaarut nr. 848, 9. september 2009-meersoq aamma Kalaallit Nunaanni sulinermi ajoqusernerit kingunerisassaannut isumannaarinermik inatsimmi nr. 1528, 21. december 2010-meersumi § 7, imm. 1, nr. 1 naapertorlugu aalajangersarneqarpoq:

**§ 1.** Nappaat inuussutissarsiummit nappaataalersutut akuerineqarsinnaavoq, tak. inatsimmi § 7, imm. 1, nr. 1, piumasaqaatit nalinginnaasut makku naammassineqarpata:

- 1) Nappaammut pissutaasup nakorsaatitortitsineramik uppersaasereerneratigut ajoqusiinnaasunit sunnertinneq sakkortussuseqassaaq qaqugukkullu pineranut naapertuutissalluni.
- 2) Nakorsaatitortitsinerup uppersaasereerneratigut nappaatip suussusia ajoqusiinnaasunit sunnertinnermut nappaammullu naapertuutissaaq.
- 3) Nappaat inuussutissarsiummit nappaataalersumit allaanerusumik pissuteqassanngilaq., tak. inatsimmi § 8, imm. 1.

*Imm. 2.* Aammattaaq immikkut piumasaqaatit allattorsimaffianni immikkoortuni ataasiakkaani taaneqartut naammassineqassapput.

**§ 2.** Nalunaarut manna atuutilerpoq 1. juli 2012 ullormiillu tassannga nappaat 1. januar 2005-mit nalunaarutigineqartoq inuussutissarsiornermit nappaataalersutut akuerineqarsinnaanera pillugu aalajangiinermi aamma inatsimmi § 41 malillugu suliap suliarineqaqqilernerani malinneqassaaq. Kalaallit Nunaannut atatillugu Kalaallit Nunaanni sulinermi ajoqusernerit kingunerisassaannut isumannaarinermik inatsimmi § 46 malillugu nappaat 1. januar 2005-mit nalunaarutigineqartoq inuussutissarsiornermit nappaataalersutut akuerineqarsinnaanera pillugu aalajangiinermi aamma suliap suliarineqaqqilernerani malinneqassaaq.

*Imm. 2.* Taamaalilluni inuussutissarsiornermi nappaataalersartut 1. januar 2005-mit nalunaarutigineqartut allattorsimaffiat pillugu nalunaarut nr. 1302, 23. november 2010-meersoq atorunnaarsinneqarpoq.

*Imm. 3.* Nalunaarut manna aalajangikkanut nalunaarutip matuma atuutilinnginnerani Arbejdsskadestyrelsimit aalajangerneqartunut Ankestyrelsimullu suliassanngortinneqartunut taamatuttaaq atuutissaaq. Taannali akuerinninnissamut maannamut piumasaqaatit nalunaarutikkut sakkortusisinneqarsimappata atuutissanngilaq.

*Arbejdsskadestyrelsen, ulloq 26. juni 2012*

ANNE LIND MADSEN

/ Merete Roos